

四庫全書

子部

欽定四庫全書

子部

六藝之一錄卷

七十九
八十

詳校官中書臣陸湘

貢外郎臣牛稔文覆勘

總校官檢討臣何思鈞

校對官中書臣高中

謄錄監生臣馬堃

欽定四庫全書

六藝之一錄卷七十九

錢唐倪濤撰

石刻文字五十五

唐碑

化度寺邕禪師塔銘

李伯藥撰歐陽詢正書貞觀五年十一月

金石錄

唐貞觀間能書者歐陽率更為最善而邕禪師塔銘

又其最善者也至大戊申七月中袖此刻見過為書

其後吳興趙孟頫

郁逢慶書
畫題跋記

吾家率更流傳人間甚多邕禪師塔銘乃其絕佳者
此帖臨模鐫搨又其絕精蓋是舊本至元庚辰二月

丁亥歐陽玄題李宗道所藏

書畫題
跋記

歐陽率更姜白石以為追蹤鍾王今觀石刻尚使人
驚絕矧真跡哉因知白石之論為信然此化度寺碑
蓋舊本收者宜寶藏之至元六年歲庚辰三月十六

日康里夔書

書畫題
跋記

右歐率更書化度寺邕禪師銘塔石本王魯齋先生
自言兒時見其兄以此臨學時二百四十餘字其兄
亡後魯齋求補為全文而妍媸自見景定庚申人日
所為跋如此至咸淳己巳春又得河南范諤隆興初
跋尾云慶厯初其高王父開府公諱雍舉使闕右歷
南山佛寺見斷石砌下視之乃此碑稱歎以為至寶
既而寺僧誤以為石中有寶破石求之不得棄之寺
後公他日再至失石所在問之僧以實對公求得之

為三斷矣乃以數十緘易之以歸置里第賜書閣下
靖康之亂諸父取藏之井中兵後好事者出之椎搗
數十本已乃碎其石恐流散浙右者皆是物也則以
是為范公家本矣今又百三十年而魯齋六代孫文
英寶藏之如舊比今西安府學本清勁文采相懸絕
矣大抵書法有輕重之勢而近無石本類皆一體填
湊字內筋絡舉無存者余與他人言皆不省今見此
本乃知古人自有真也

春雨集

長沙歐陽信本書在唐許為妙品鄭漁仲金石畧所載凡二十三種而行於南北者惟僧邕塔銘而已二銘多所翻刻南本失於瘦北本失於肥殊無精絕之本予嘗於越見胡文恭公所藏醴泉銘肥瘦適均精彩煥發識者定為初刻今觀此塔銘其精神絕與之類誠可寶玩也然塔銘尤信本得意書姜堯章所謂勝於醴泉駸駸入於神品亦知言哉元諸大老寘品評於其間者凡十有三人濂尚何言庸擬拾緒論而

書於左方云

潛溪集

子兒時亟聞先慈菴府君稱化度寺帖妙出九成宮
右而未獲見每以為恨今太師英國張公廷勉出所藏
舊帙乃駙馬李子期家物銘叙畧備其空缺處率用
印識若文書家所謂蓋印者帖後若趙松雪揭曼碩
巖子山諸公皆有題識惟謝端所謂藏鋒王沂所謂
神氣深穩者最為得之周馳曰石刻羽化久矣則此
固二百年前物也張公博雅好文事尤重世澤其永

寶之不獨如李氏所識也正德五年八月十日長沙

李東陽識

懷麓堂集

趙子固以歐陽率更化度醴泉為楷法第一雖不敢
謂然然是率更碑中第一而化度尤精緊深合體方
筆圓之妙而殘缺尤甚昔年得一本僅二百餘字後
又致一本雖剝蝕其可讀者幾再倍之當是前百年
物而字意小緩散不能如前本之精勁也豈搨手微
劣故耶因合而識之俟明憲細展究其所以異可也

弇州山

人藁

張令臨浮圖銘

張士貴撰正書無姓名永徽五年十一月

金石錄

修正寺舍利塔碑

楊武英撰張延壽正書龍朔二年六月

金石錄

岐州法門寺舍利塔銘

賀蘭敏之撰并行書龍朔三年二月

金石錄

西明寺忍辱闍黎塔銘

僧靈瓚撰暢教書麟德二年

京兆金石錄

西明寺上座道宣律師舍利塔銘

郝文會撰并正書乾封三年

京兆金石錄

翠微寺道瑩法師塔碑

張巨源撰王忱書咸亨五年

京兆金石錄

大興國寺舍利塔碑

相州刺史越王貞撰趙郡李君惠集王羲之書興國

寺楊震學舍也隋文帝仁壽中以舍利分置天下諸

寺此其一也碑以儀鳳四年三月立

集古錄目

大興善寺舍利塔銘

李儼撰殷仲容八分書總章二年

金石錄

平原寺舍利塔銘

撰人名缺僧仁基正書上元三年二月

金石錄

舍利塔銘

陳思順造正書無姓名垂拱四年二月

金石錄

大德昉禪師塔銘

武三思撰正書無姓名証聖元年五月金石錄

化度寺道感法師塔銘

殷祚撰并正書萬歲通天二年八月建復齋碑錄

閔居士夫人塔銘

正書無書撰人姓名大足元年十月金石錄

興善寺真器禪師塔碑

僧波崙撰大足元年立京兆金石錄

思簡律師塔銘

正書無書撰人姓名長安四年三月

金石錄

福先寺浮圖碑

武后撰武三思正書神龍元年七月

金石錄

元公浮圖祠堂碑

八分書無書撰人姓名先天二年八月

金石錄

淨居尼元機圓明塔碑

在永嘉縣先天中立

輿地碑目

辨機法師塔銘

趙冬曦撰正書無姓名開元三年九月

金石錄

涇陽太一寺法海禪師塔銘

利法師撰僧靜藏書開元三年

京兆金石錄

法藏禪師塔銘

開元四年五月田休光撰正書今在西安府南山

金石

文字記

醴泉寺惠劍禪師塔銘

僧超霞撰孔光書開元十二年

京兆金石錄

淨業法師塔銘

開元十二年六月畢彥雄撰正書今在西安府香積

寺

金石文
字記

一行禪師塔碑

明皇撰并八分書一行本姓張氏名遂後為沙門諡

曰大慧碑以開元十六年立

集古
錄目

張說題玄宗御書記

集賢院學士題玄宗所書碑御製御書字并年月記

及模勒刻字人姓名後有開元十六年將幸溫泉親詣大慧禪師塔所口勅檢校立碑使朱敬宣所記然則說所題者禪師塔碑也

集古錄目

慈恩寺惠教禪師塔銘

賀蘭欽明撰開元十七年立

京兆金石錄

敬節法師塔銘

開元十七年七月正書今在西安府城外杜永村

金石

文字記

比丘尼法澄塔銘

開元十七年十一月志

闕

撰并書行書今在西安府

城外東南馬頭空

金石文字記

西明寺上座智遠律師塔銘

前進士啖彥珍撰集賢院書手陳瓌書律師姓睦氏

趙郡人為長安西明寺臨壇上座碑以開元二十五

年立

集古錄目

檀法師塔銘

開元二十五年姜立祐撰正書今在西安府西門外

崇仁寺銘文正書而後列弟子沙門皆八分書

金石文字

記

景賢大師身塔銘

開元二十五年八月羊俞撰沙門溫古行書今在嵩

山會善寺

金石文字記

進法師塔銘

開元二十五年僧智祥楷書

金石表

此太子司議陳光撰僧智祥書磨泐僅存形似然其

書法亦是習登善者

石墨
錫華

今在西安府實際寺剝

蝕

金石文
字記

西明寺主惠景法師塔銘

何榮撰并行書天寶元年

京兆金
石錄

道振禪師塔銘

天寶元年正月行書

金石文
字記

慈恩寺道進律師塔銘

高參撰僧法亮書天寶四年

京兆金石錄

乘真禪師靈塔碑

長子主簿王雄風撰胡霈然書并篆額禪師姓麻陸
渾人景龍二年為陸渾山圖以獻代宗自書其寺名
兜率以賜之及其卒衛尉卿崔從禮之妻李氏得其
舍利起塔而藏之碑以天寶七年八月立

集古錄目

淨藏法師身塔銘

天寶五載立無書撰人姓名在會善寺

嵩陽石刻記

善才寺大德玄秘塔銘碑

楊琦撰張乾護八分書天寶九年四月

金石錄

少林寺靈運禪師塔銘

天寶九載四月十五日門人堅順建右唐少林寺靈
運禪師碑試大理評事崔琪撰會善寺沙門行書而
缺其名予向遊少林愛其中碑刻時值大雪命人搨
之此其一也或謂予好奇之過而不知予之所得抑

亦多矣

金薤
琳琅

右宣德郎試大理評事崔琪撰天寶九載立世言開
元天寶之際文人唾地皆成珠玉今以此碑觀之如
云窮歲默坐猿對茶椀鳥棲禪庵彼嶺雲無心即我
心矣彼澗水無性即我性矣此數語雖今之善知識
不能拈出况經生哉書法自聖教序中出是善學逸

少者

玄牘
紀

太原王四娘塔銘

裴炫詞張少悌行書天寶六年六月

金石
錄

般舟寺玄隱禪師塔碑

徐浩撰并正書天寶十一年二月

金石錄

玄隱塔銘天寶十一年徐浩撰并書嗚呼物有幸不幸者視其所托與其所遭如何爾詩書遭秦不免煨燼而浮圖老子以托於字畫之善遂見珍藏余於集錄屢誌此言蓋慮後世以余為惑於邪說者也比見當世知名士方少壯時力排異說及老病畏死則歸心釋老反恨得之晚者徃徃如此也可勝嘆哉

集古錄

令暉令皎二禪師塔銘

趙憇撰并正書大厯元年二月

金石錄

再修信行禪師塔碑

于益撰張楚昭行書大厯六年又三月

金石錄

于益奉勅撰翰林待詔張楚昭奉為皇帝施手書碑
字為行書韓擇木奉勅題額碑以大厯六年閏三月

建

復齋碑錄

碑陰批荅僧義真正書大厯六年

京兆金石錄

代宗賜建法和尚塔額碑

蘇源明撰段光獻行書大曆六年

京兆金石錄

化度寺普寂禪師光教塔銘

僧圓照撰大曆十一年

京兆金石錄

大聖真身塔銘

張或撰楊播行書大曆十三年四月

京兆金石錄

蕭和尚靈塔銘

定光上人塔銘

吉中孚撰行書姓名殘缺貞元元年十月

金石錄

大聖真身舍利塔銘

吳通微撰并正書貞元六年

金石錄

安國寺大德律師塔銘

徐峴撰并正書貞元七年十月

金石錄

辨正禪師塔銘

太僕少卿鄭叔規撰汜水縣令徐峴書并篆額師名

崇一姓任氏濟源人玄宗時詔舉天下高僧四十九

人分主諸寺禪師居東都天宮寺後移居善興寺代宗親書院額曰法寶嚴持院德宗時賜諡辨正碑以

貞元十年立在龍門

集古錄目

辨正禪師塔院記徐峴書誠能行筆而少意思也往時石曼卿屢稱峴書曼卿多得顏柳筆其書與峴不類而遠過之不知何故喜峴書也余當曼卿在時猶未見峴書但聞其所稱曼卿歿已久始得此書遂錄

之爾

集古錄

貞元無垢淨光塔銘

庾承宣撰無書人名氏篆額貞元十五年四月立

諸道

石刻錄

王頭陀塔銘

在懷安軍雲頂山塔院貞元十五年薛倬撰文

輿地碑目

光宅寺惠日禪師塔銘

孫藏器撰并正書貞元二十年

京兆金石錄

靈珍禪師塔銘

徐峴撰并正書元和八年八月

金石錄

紫玉山禪師塔銘

李承翟撰屈師穆正書元和九年

金石錄

樂善寺處道和尚塔銘

歸登撰并行書篆額元和八年

訪碑錄

智源禪師塔銘

元和九年立在鍾離縣

輿地碑目

上弘和尚塔碑

白居易撰序李堯恭正書元和十三年五月

金石錄

撫州景雲寺上弘和尚塔碑白居易撰李克恭正書

段全緯篆額武宗時廢大中八年七月十五日重立

在東林寺

復齋碑錄

大聖舍利塔銘

張仲素撰吳仲冉正書元和十四年五月

金石錄

元浩和尚靈塔碑

崔恭撰并正書元和十四年五月

金石錄

在虎邱

復齋

碑錄

莊嚴寺大慧禪師塔銘

歸登撰并書元和十四年

京兆金石錄

律大德湊公塔銘

白居易撰僧雲舉正書長慶二年六月

金石錄

白居易撰長慶二年閏十月建武宗時廢宣宗大中

八年七月十五日重立

復齋碑錄

熙怡大師石墳志銘

侯高撰僧雲臯正書長慶四年五月立

復齋碑錄

大覺禪師塔銘

李渤撰柳公權正書長慶四年六月

金石錄

明禪師塔銘

靈皎撰在長興縣空隱院

輿地碑目

興寧寺律如瑫大師塔銘

僧張彪撰并書寶曆元年在無錫

復齋碑錄

幽棲寺冲素和尚塔銘

沙門靈遵行書長慶三年歸化寶歷三年正月起塔

優齋

碑錄

總持寺大果禪師藏山和尚塔銘

于敖撰李隨正書大和元年

京兆金石錄

寧貢禪師塔銘 沈的撰并行書沙門曇鏡八分書額

大和五年九月建在山陰縣界昭福寺

優齋碑錄

岑禪師舍利塔碑

高通理文大和二年立在會善寺

嵩陽石刻記

照公塔銘

太子少傳分司東都白居易撰劉禹錫為秘書監分
司東都時書照公名神照姓張氏蜀州青城人居東
都奉國寺碑以開成三年立

集古
錄目

基公塔銘

開成四年李弘度撰僧建初行書

金石
表

基公者尉遲敬德之從子也度為僧譯經于慈恩寺
卒于永淳中大和間始建塔李弘度銘之書者亦建

初然其筆法不無少遜玄奘塔銘

石墨
鐫華

大偏覺法師玄奘塔銘

開成四年五月劉軻撰沙門建初行書今在西安府

城南興教寺

金石文
字記

玄奘久居西域廣譯佛言唐太宗極尊崇之據史卒
于顯慶六年即龍朔元年銘則云卒于麟德元年之
二月史云年五十六銘云年六十九先葬滄東后移
徙樊川北原即少陵原文宗開成四年劉軻撰文僧

建初書行草秀勁有法而文亦粗能言師事亦可存

也

石墨
錫華

寶稱法師塔銘

劉軻撰陳去病正書開成四年七月

金石錄

秘書丞史館修撰劉軻撰江南司戶參軍陳去疾書

前振武節度參謀李廷彥篆額律師江南講僧也名

智滿陶靖節之九世孫始出家于寶稱寺故以為號

碑以開成四年立大中八年重建在廬山

集古
錄目

碑以開成四年四月二十七日建武宗時廢碑以宣

宗大中八年七月重立

復齋碑錄

大達法師玄秘塔銘

會昌元年十二月裴休撰柳公權正書并篆額今在
西安府儒學碑陰有勅內莊宅使牒及比丘正言疏

大中六年四月

金石文
字記

右唐大達法師玄秘塔銘裴休文柳公權書石刻在
西安府學會昌元年所建唐法書家前有歐虞褚薛

後有顏柳而柳所論心正則筆正雖一時格君之言

要為書法第一義也

東里續集

大達法師玄秘碑柳公權正書歐陽公嘗謂物之所
遭有幸不幸詩書遭秦不免煨燼而浮圖老氏以托
於字書之善遂見珍蓄若此碑是已嗚呼緇流之藉
文字以傳後世如予之所錄蓋不止於一玄秘塔也

金薤

琳琅

玄秘塔銘石刻在闕中會昌元年建柳學士公權書

裴觀察休撰又十二年休始以鹽鐵使入相所著楞嚴義解諸所參會妙入玄宗出彼法中居士長者之流者耶此碑柳書中之最露筋骨者道媚勁健固自不乏要之晉法亦大變耳

弇州山人藁

柳誠懸書學出自鄔彤鄔彤出自懷素而素自直遯永師者大抵唐世字學極盛然自魯公而下其餘諸名家數人同論則具體而微各觀則同工異曲玄秘塔是柳書之極有筋骨者刻手精工唐碑罕能及之

故可寶以為玩也

玄牘紀

慈恩寺善導和尚塔銘

僧志遇撰并書大中五年

京兆金石錄

章敬寺法照和尚塔銘

僧鏡霜述并書大中十三年

京兆金石錄

言和尚塔碑

張君卿撰于玄素行書咸通三年

京兆金石錄

聖壽寺上座惠靈和尚塔銘

薛綜撰咸通四年

京兆金石錄

報恩安國寺浮圖銘

正書無書撰人名氏篆額咸通十三年十月立在宜

興

復齋碑錄

報恩寺弘憲大師塔銘

張元逸撰并書篆額中和四年五月建

復齋碑錄

資聖寺宣和尚塔銘

沙門蘊讓述楊光中正書陳漢溫八分書額光啟三

年九月建

諸道石刻錄

廣濟大師含真和尚舍利塔碑

盧光濟撰高臨正書光化二年

京兆金石錄

大德檀法師塔銘

此姜立祐撰而無書者名行草筆法圓健清逸當與

建初大遍覺銘並觀

石墨鐫華

淨業禪師塔銘

正字畢彥雄撰文而無書者名正書法亦習褚登善

者勁拔似之而其鈎磔處稍不及耳楊脩齡侍御在

長安日亟賞之遂多搨者

石墨
鐫華

無書跋及歲月

法玩禪師塔銘

無書撰人名氏

墨池
編

靈迅禪師塔銘

無書撰人名氏

墨池
編

淨飛禪師塔銘

無書撰人名氏

墨池
編

大智禪師塔銘

吳承嗣書在嵩山

墨池
編

悟真大師塔銘

歸稱書

墨池
編

阿育王寺舍利塔銘

張行博書

墨池編

道法禪師志靜塔銘

鳳翔府

金石畧

東林佛馱禪師舍利塔銘

張庭珪分書江州

金石畧

懷素律師塔銘

韋鼎書

金石畧

大覺禪師塔銘

蕭起書杭州

金石畧

東林臨壇大德塔銘

弟子雲軻書江州

金石畧

龍牙山先大師塔銘

楊玗文并篆潭州

金石畧

鳥窠禪師塔銘

在定業院

輿地碑目

道一禪師塔銘

權載之撰

輿地
碑目

靈光寺僧靈祐塔銘

沈亞之文

輿地
碑目

心鏡大師舍利塔銘

在鄞縣崇壽寺刺史崔琪狀

輿地

碑目

會善寺安和尚塔銘

無書撰人名氏

墨池
編

道安和尚舍利塔銘

無書撰人名氏

墨池
編

大辯禪師塔銘

無書撰人名氏

墨池
編

法王寺大德惠演塔銘

碑帖
攷

唐碑 釋氏 僧寺諸碑

長壽寺舍利碑

隸書不著書撰人名氏隋文帝仁壽中內出舍利寘於三河郡之仁壽道場藏以金棺玉函唐初詔選名僧三十人居之齊王元吉造丈八大像於寺中碑以

武德六年五月立

集古錄目

代國夫人開佛窟碑

陳國重撰韓處約書碑稱佛窟者當漢初有氣如烟

雲出於其間漢高祖為之立廟後漢永平中釋教至
中國改廟名曰曰太平寺周改名曰大乘武帝時被
毀至唐代國夫人楊氏開而立之碑以顯慶二年立

集古

錄目

改造彌勒閣碑

行書無書撰人姓名龍朔三年正月

金石錄

西峯秦王觀基浮圖碑

上元二年華州刺史喬師望撰并八分書

金石文
字記

喬師望尚高祖女廬江公主

九門縣西浮圖碑

右九門縣西浮圖碑唐應詔四科舉董行思文清河
傅德節書題云九門縣合鄉城人等為國建浮圖之
碑浮圖在智矩寺中寺今亦廢碑上元三年建按唐
有兩上元此碑云歲在丙子乃高宗上元三年也肅

宗上元三年歲在壬寅爾

集古錄

靜法師方墳碑

張嘉貞撰鍾紹京正書長安元年十二月

金石錄

大忍寺門樓碑

沙門釋某撰裴抗八分書開元十八年

金石錄

大忍寺門樓碑

楊邈撰裴抗書開元二十一年

金石錄

易州雲居寺石浮圖碑

開元十五年太原王大悅撰并書

燕都遊覽志

開雲居寺石浮圖後記

開元二十八年莫州吏部常選王守泰行書

金石文字記

龍興寺淨土院碑

李邕撰韋同八分書開元中立

金石錄

安鄉郡開元寺卧禪師淨土堂碑

監察御史張鼎撰雍縣尉吳郁書天寶九載庚寅立

稱卧禪姓辛氏名順忠隴西狄道人隴右按察使崔

昇進奏住河南開元寺右脅而卧諸漏已無開元中

詔隴右節度使張守珪為就寺造淨土堂故為銘自

河隴歿於羌夷州縣城郭官寺民廬莫不毀廢唯佛
寺與碑銘文字載佛寺者往往多在世皆以為西方
幽遠殊類異俗不知禮義出於天性故夷之然其於
佛皆知信慕以其有罪福報應之說予以謂西夷雖
恣睢甚者及曉之以曲直是非悅且從也固不可謂
其天性無欲善之端是以虞夏之世東漸于海西被
于流沙朔南暨聲教則能令其信慕者亦非特有佛
而已也彼以罪福報應之說動之未若不動之以利

害而使之心化此先王之德所以為盛也

元豐題跋

金城寺放生池碑

八分書撰人姓名殘缺天寶十年七月

金石錄

神德寺彌勒閣碑

杜鰲撰馬順書彌勒閣者開元中沙門會覺所立天寶十一載馮翊人張祥德重建碑以十二載立在華

原

集古錄目

多寶塔感應碑

岑勛撰顏真卿正書天寶十一年四月

金石錄

慈恩寺常住莊地碑

韓擇木八分書顏真卿撰代宗篆額大歷六年八月

金石錄

大覺禪師國一影堂碑

在紹興府城大慶寺貞元元年

輿地碑目

濟遠寺功德碑

郭邕撰劉雲行書貞元十年正月

金石錄

尚書李公造華嚴三會普光明殿功德碑

貞元十六年支高撰并書今在交城縣西北五里萬

卦山天寧寺

金石文
字記

智者大師修禪林道場碑

元和二年立在大慈寺

輿地
碑目

無量寺多寶塔碑

裴度撰王凝正書元和十二年六月

金石
錄

在新鄭

縣

復齋
碑錄

石壁寺甘露義壇碑

元和八年三月李逢吉撰正書今在交城縣石壁山
寺碑陰有進甘露表云臣說言臣所部太原府交城
縣石壁山寺今月二十二日夜甘露降於寺內戒壇
西及寺外柏林上大枝小葉無不周徧凝泣垂滴甘
甜如蜜當寺臨壇大德僧慎微與僧惠廣等一十五
人咸共觀嘗覆問如狀云云貞元十二年九月二十
五日臣說者河東節度使北都留守太原尹李說即

普光明殿碑所謂尚書李公者也此碑為元至順三

年重刻

金石文
字記

杯渡禪師影堂碑

朱存撰釋巨鄰篆書太和三年立在隱靜山

優齋
碑錄

龍興寺大藏經碑

在隆州報恩寺開成四年吳商撰

輿地
碑目

大梅山常祖師還源碑

江積撰并正書開成五年七月

諸道石
刻錄

千福寺重建章資師傳教碑

朱景玄撰朱玘行書大中五年立

京兆金石錄

東林寺經藏碑

李肇撰元和七年九月建武宗時廢大中十三年七

月八日馮譔重書再立并篆額

復齋碑錄

法順和尚吉祥泉碑

裴處權撰裴延嗣書咸通六年

京兆金石錄

明佛法根本碑

僧智慧輪撰僧紹明正書并篆額咸通十年立

諸道
石刻

錄

崇聖寺佛牙寶塔碑

忠武軍節度判官監察御史內供奉孫朴撰檢校太
子賓客濮王府司馬王君平書據碑高宗儀鳳中始
建崇聖寺于京師武宗廢佛法寺亦被毀宣宗初復
以太平坊之溫國寺為崇聖寺崇聖舊寺所藏佛牙
者顯慶中沙門道宣得之於神人至此建塔以奉之

碑無所立年月

集古錄目

多寶塔感應碑

右唐多寶塔感應碑多寶塔者僧楚金所造楚金嘗
寫法華經千餘部寘塔中今猶有存者余於士大夫
家數見之余亦得其一卷乃乾元二年肅宗所造卷
首佛像絹素畫蹟尚如新也

金石錄

右千福寺多寶塔碑顏公之書多矣惟此碑盛傳人
間歐陽公作集古錄跋尾而此獨見遺惟趙氏金石

錄有之謂多寶塔者僧楚金所造楚金嘗寫法華經
千餘部寔塔中趙氏復謂於士大夫家數見之則楚
金之書至宋猶有存者碑今在陝西西安府學
顏魯公多寶佛塔碑石刻在西安舊搨完善可讀公
書如東方畫像家廟碑咸天骨道峻風稜射人此帖
結法尤整密但貴在藏鋒小遠大雅不無佐史之恨
耳多寶佛塔事在法華經中歷過去未來阿僧祇劫
世尊說法此佛即現寶塔空中贊美大抵皆寓言也

佛惟空是以常在常現常滿今以有為迹求之得無
去之愈遠乎一念發菩提心即證菩提即現多寶塔
稱善哉人自不見聞耳

弇州山人藁

魯公書多寶佛塔最窘束而世人最喜正如杜少陵
詩其佳處滿卷而學者徒取其便澀此殆曹子建所
謂蘭茝馨香人之所嗜而海內有逐臭之夫者也嗟
嗟世人若不具隻眼而隨人語言以評古書此又曷
足以言心賞邪余故為淵泉道破必且能為我下一

轉語也

玄續紀

魯公正書惟此碑最著以其字比諸碑稍小便於展
玩耳而結法視東方讚家廟碑似覺少遜王元美曰
貴在藏鋒小遠大雅不無佐史之恨信然碑舊在興
平千福寺不知何時移立西安府學中

石墨
鐫華

金城寺放生池碑

右唐金城寺放生池碑書撰人姓名皆已殘缺據田
棨京兆金石錄以為韓擇木書豈當棨為錄時尚完

好可讀乎其字畫奇偉非擇木不能為也

錄金石

補

化善寺石井碑

劉翊行書天授二年十月

錄金石

大行禪師義訓碑

何榮先行書開元二十六年二月

錄金石

僧道源發願轉輪藏碑

王承規書貞元十四年鎮州

錄金石

無歲月及書跋

草堂寺報願碑

宋僖文蒯敬宗正書

金石錄

寂照寺雙浮圖碑

單江撰八分書

金石錄

千佛寶塔碑

毛伯政篆書

墨池編

碑帖考云毛伯玉篆在京兆

鳳翔尹李晟為國修寺碑

王播書

墨池編

金石畧云僧潛瑾書

鳳翔府

龍泉寺常住田碑

范的書越州

金石畧

華嚴寺鑒法碑

顏真卿書杭州

金石畧

太光和尚道蹟碑

在烏程法華寺

輿地
碑目

襄州延慶院經藏碑

裴光遠八分書

碑帖
攷

敕重置七祖塔寺碑

邵宗厚書

碑帖
攷

華嚴九會碑

李玄穆行書

金石
表

六藝之一錄卷七十九

欽定四庫全書

六藝之一錄卷八十

錢唐倪濤撰

石刻文字五十六

唐碑

道家一

宗聖觀碑

歐陽詢撰序并八分書陳叔達銘武德七年

金石錄

碑建于武德九年歐陽詢撰序陳叔達撰銘為神堯
祀尹喜作也分隸書無書者姓氏書法故自佳經翻

刻失其筆意耳王元美云叔達以黃門侍郎判納言事而此碑云侍中蓋武德三年改納言仍為侍中宰相表則叔達以二年正兼納言九年十月坐事罷而傳遺之當以此碑為定

石曼卿筆

襄州靜真觀碑

何彥先撰正書無姓名萬歲登封元年二月

金石錄

白鶴觀碑

八分書無書撰人姓名中宗時立

金石錄

崇元宮碑

左拾遺孫處玄撰楊幽偁書崇元宮者宋文帝路淑媛所立唐景雲二年制使道士葉法善奉玉冊投龍設齋碑以太極元年四月立在茅山

集古錄目

玄都觀碑

開元六年立

京兆金石錄

碑陰記道士裴肱撰盧曉八

分書

全上

龍興觀碑

李邕撰行書無姓名類邕書開元十七年

錄金石

益州大千秋觀碑

李邕撰管卿行書開元二十六年

錄金石

章仇公修玉局觀碑

夏侯昭撰管卿行書開元二十九年七月

錄金石

桐柏觀碑

崔尚撰韓擇木八分書明皇正書題額天寶元年三

月

錄金石

唐祠部郎中崔尚撰翰林院學士慶王府屬韓擇木
八分書天台山有廢道宮相傳以為晉葛玄所居唐
景雲初詔建為桐柏宮道士司馬子微葺而成之碑

以天寶元年三月立

集古
錄目

右唐天台山桐柏觀碑尚書祠部郎中崔尚撰翰林
學士韓擇木八分書明皇正書題額碑稱司馬鍊師
居此而曰鍊師名承禎一名子微唐書隱逸傳謂司
馬承禎字子微則子微非鍊師之名碑誤書耳余昔

遊王屋山至陽臺宮宮乃子微修仙之所中有碑上
刻睿宗與子微書及送還天台詩一首傳但云睿宗
嘗召子微問其術賜寶琴霞帔還之不云有書與詩

此則傳之踈脫也

金薤
琳琅

新桐柏觀碑唐崔尚文韓擇木書桐柏即天台別名
道家所謂金宮玉庭洞天真境覽興公一章覺此頌
寂寥耳擇木書於漢法雖大變然猶屈強有骨明皇
酷嬖太真無所不似隸分體不免作豐容豔肌時狀

老杜云書貴瘦硬方通神蓋有感也計此碑當為拾

遺君印可者

弇州山人藁

潁陽觀碑

張瓘撰史惟則八分書天寶五年七月

金石錄

崇壽觀碑

在資州天寶二年建御史中丞宋渾文

輿地碑目

玄元宮碑

此碑建於天寶元年而闕碑額考其辭當在蓋屋為

玄元宮玉真長公主寔主之公主睿宗最幼女也碑
序為倉部郎中戴璇頌為戶部郎中劉同昇撰末云
開府儀同三司尚書右僕射曾孫戴伋書則建碑年
號蓋追成頌序之日而稱者也伋官至僕射而世系
年表列傳俱無之趙明誠金石錄亦失不收俱不可
曉者書法八分頗穠豔第以肉勝蓋兼開元徐史之
法而加損益者也

弇州
續藁

天慶觀碑

天寶元年立碑載明皇夢老子事巴東太守劉瑫建

字畫甚清逸

名山記

天柱山天柱宮碑

吳筠撰并書苗昭題額大厯五年立

訪碑錄

崇元聖祖院碑

常州刺史賈餗撰前陳州參軍徐挺古八分敬宗即位詔天下有道之士李德裕為浙西觀察使以道士周息元薦於朝為建此院勅賜號崇元聖祖院碑以

寶曆二年立在茅山

集古錄目

修桐柏觀碑

浙東團練觀察使越州刺史元稹撰并書台州刺史顏顥篆額桐柏宮以景雲中建道士徐靈府等重修碑以大和四年四月立

集古錄目

大和四年唐元稹撰文并書其題云修桐柏宮碑又其文以四言為韻語既牽聲韻有述事不能詳者則自為注以解之為文自注非作者之法且碑者石柱

爾古者刻石為碑謂之碑銘碑文之類可也後世伐
石刻文既非因柱石不宜謂之碑文然習俗相傳理
猶可考今特題云修桐柏宮碑者甚無謂也此在文
章誠為小瑕病前人時有忽畧然而後之學者不可
不知自漢以來墓碑多題曰某人之碑者此乃無害
蓋目此石為某人之墓柱非謂自題其文目也今積
云修桐柏言碑則於理何稽也

六一
題跋

唐元稹修桐柏廟碑昔歐陽永叔謂刻銘于碑謂之

碑銘後世伐石刻文既非因柱已不宜謂之碑則積
書此為碑過矣古者廟中庭謂之碑故以碑為節然
獨不可以石刻文遂謂之碑嘗見伏滔功德銘曰堯
碑禹碣歷古不昧范雲亦謂嘗見異書堯碑禹碣皆
為籀文在崆峒山中此果足信哉余謂積為此碑亦
因是為据

廣川
書跋

神仙觀碑

盛君立撰郁文則行書篆額大和九年正月建

後齊
碑錄

昊天觀碑

王起撰柳公權正書會昌三年五月

金石錄

王起撰柳公權書徐方平篆額會昌三年十月立

北京

金石

錄

蓬萊觀碑

孫謙卿撰貝靈該分書正方外篆額大中二年六月

十九日建在象山

諸道石刻錄

棲霞觀碑

在象山縣大中元年孫諫卿撰

輿地
碑目

潘城院碑

唐進士劉驩撰陶貞固正書并篆額中和三年七月

十五日立在溧水

復齋
碑錄

嵩陽觀碑

嵩陽觀聖德感應頌乃道士孫太冲為明皇煉丹六轉而移緱氏山九轉而李林甫紀其瑞徐浩書其碑者也碑作于天寶三載是時開元之政已弊而林甫

以姦佞為詞本無足採但浩分隸與史惟則輩幾欲

伯仲矣

石墨
錫華

嵩陽觀碑是徐浩分書李林甫述其道士孫太冲為
明皇煉丹至九轉而作頌者也在昔如秦皇漢武皆
希心仙術然徐市三千畏誅不歸文成五利終至大
戮而明皇尚為太冲起觀立碑終始不悟當由林甫
奸佞蠱之耳林甫不足言侍中分法簡穆不墮明皇
豐艷之習是當以筆諫而復為書碑亦遇之不幸也

評者謂子敬元常異代同友孔氏升堂得門窺牖過

矣

金石史

無歲月及題跋

蚪山觀碑 無書撰人名氏

墨池編

天寶觀碑 鮮于仲通撰

墨池編

西嶽真君觀碑 韋聖書

墨池編

梅仙觀碑 在新建今名陽靈觀昔梅子真嘗於山上

築壇朝斗後人立觀以奉之

輿地碑目

仙林觀碑

在西充縣列真觀中書侍郎趙彥昭撰

輿地碑目

簡寂觀碑

御史大夫王路撰

輿地碑目

通玄觀碑

狄仁傑撰在山西遼州榆社縣南

古今碑刻攷

通真觀碑

刻藍采和踏踏歌在鳳陽府舊城南

古今碑刻

攷

虛白觀碑

唐葉靖天師講經處載救龍事甚詳在浙

江寧波府奉化縣東北

古今碑帖攷

崇禎觀碑 太極元年立

輿地
碑目

玉清觀四等碑 開元十五年立

輿地
碑目

崇元宮碑

元虞集崇壽觀碑云晉洞天觀唐貞觀初改崇元觀
有太極元年所樹碑石完而文泯可識者左拾遺孫

處玄文楊幽徑書數字而已

金石文
字記

唐碑

道家二

龍興宮碧落碑

金石畧作石天尊像記

篆書無書撰人姓名咸亨元年

金石錄

石天尊像記韓王元嘉諸子訓等為妣妃建篆書絳

州

金石錄

碧落碑在絳州龍興宮宮有碧落尊像篆文刻其背
故世傳為碧落碑據李璿之以為陳惟玉書李漢以
為黃公譔書莫知孰是洛中紀異云碑文成而未刻
有二道士來請刻之閉戶三日不聞人聲人怪而破
戶有二白鴿飛去而篆刻宛然此說尤怪世多不信

也碑文言有唐五十三祀龍集敦牂乃高宗總章三年歲在庚午也又云哀子李訓誼譔諶為妣妃造石像按唐書韓王元嘉有子訓誼譔而無諶又有幼子訥元嘉以則天垂拱四年見殺在總章三年後十八年有子訥不足怪而不應無諶蓋史官之闕也

集古錄

右唐碧落碑大篆書其詞則唐宗室黃公譔所述或云陳遺玉書或云譔自書皆莫可知李肇及李漢並言李陽冰見此碑徘徊數日不去又言陽冰自恨其

不如以槌擊之今缺處是也此說恐不然陽冰嘗自述其書以謂斯翁之後直至小生於他人書蓋未嘗有所推許唐人以大篆當時罕見故妄有稱說耳其實筆法不及陽冰遠甚也

金石錄

碧落篆李肇得觀中石記知為陳惟玉書歐陽永叔以李漢碑為黃公譔然字法奇古行筆精絕不類世傳篆學而惟玉於唐無書名於世不應一碑便能奄有秦漢遺文徑到古人絕處此後世所疑也李陽冰

於書未嘗許人至喜其書寢卧其下數日不能去世
人論書不逮陽冰則未必知其妙處論者固應不同
段成式謂此碑有碧落字故世以名之李肇謂此碧
落觀也故以為名李漢謂終于碧落字而得名余至
絳州見其處今為龍興宮考其記知舊為碧落觀而
開元改今名又篆文若未畢其文者其終非碧落字
則肇說是也其云有唐五十二禩龍集敦牂爾雅歲
在午為敦牂永叔謂高宗總章三歲以唐歷考之自

武德戊寅受命至咸亨元年庚午實五十三年矣然

則總章者誤也

廣川書跋

段成式謂此碑有碧落字故以名李肇謂此碧落觀也故名李漢謂終于碧落字而名歐陽公謂其宮有碧落尊像文刻其背故名碧落碑董道考其地原名碧落觀改龍興宮以李肇說為是其書雜出頡籀鍾鼎款識或以為陳惟玉書或以為李譔李謹書皆不可辨洛中記異錄又云刺史李諶為母房太妃追薦

造像成有二道士來請書之閉戶三日乃開化二白
鵠飛去篆文宛然像背此說尤恠誕然李陽冰觀之
七日而不忍去學之十二年而不成其妙如此豈易
知哉又一說陽冰毀其佳者數字而去未知然否篆
文原刻像背州將以不便摹搨別刻置廟中今所傳
皆摹本也其文曰有唐五十三禪龍集敦牂歐公謂
為高宗總章三年董道謂為咸亨元年按總章三年

三月始改咸亨耳

石墨
鐫華

世以此爲仙人所書而劉公嘉話指爲陳惟玉書朗
州去立碑時不遠疑得其實也

玄牘
紀

別本碧落碑

絳州碧落篆刻天尊背州將不欲以槌擊石像乃摹
別石因封其舊石像今世所得皆摹本也雖橫直圜
方典刑有稽然遁其神者衆矣段成式言樊宗師作誌
令陳惟玉書立于太行山上此言險怪難知豈嘗求
得其當而妄爲戲哉世言字不考古甚則以品爲鄰

今於古文四字正如此便知後世不知古字而妄議者可以歎也

廣川書跋

碧落碑釋文

釋文鄭承規書咸通中立書法方整甚有歐虞遺意

石墨

錫華

瑞氣觀天尊像碑

何彥先撰正書無姓名咸亨四年九月

金石錄

奉先觀老君像碑

李審幾撰沮渠智烈書垂拱元年

金石錄

李公元始天尊像碑

鄭瓘撰甘遺榮八分書開元十三年二月

金石錄

延慶移觀手詔碑

在延慶觀後絕峯之上石龕中開元十三年立

輿地碑目

老子聖母碑

呂獻臣分書亳州

金石略

混元皇帝廟碑

呂獻臣書開元中立在亳州

金石略

玄元皇帝應現碑

八分書無姓名開元二十九年六月

金石錄

夢真容勅碑

正書無姓名開元二十九年六月

金石錄

夢真容碑

蘇靈芝行書開元二十九年六月

金石錄

此蘇靈芝書按碑開元帝夢老子真容求得之中南

之樓觀博州刺史李成裕奏准諸州同勒石則此碑
天下皆刻之金石略載之云未詳所在余此碑并田
仁琬碑得自鄉人之守易州者或在易州今中南樓
觀亦有此碑亦靈芝書文同而易州碑稱奉勅旨宰
相牛仙客樓觀碑稱張九齡按碑此事在開元二十
九年閏四月九齡自二十四年罷相二十五年左遷
荊州長史二十八年薨未嘗生至二十九年也似當
以易州碑為是樓觀碑經宋翻刻字畫不及易州三

舍豈亦謬易其姓名耶

石墨
鐫華

開元二十九年六月蘇靈芝行書今在盤屋縣樓觀
是年四月玄宗自言夢見玄元皇帝云有像在京城
西南百餘里即命使同諸道士求得之於盤屋縣樓
觀東南山阜間迎至興慶宮大同殿宰相牛仙客李

林甫拜賀

金石文
字記

真容應現碑

陳知溫行書天寶元年十二月

金石
錄

開元聖像碑天寶元年陳知溫書唐開元之治盛矣
至於天寶而溢焉方其盛時人主意氣之驕超然遂
欲追真仙於雲表其夢寐恍忽云有見焉者雖是非
真偽難明於杳靄亦其注心於物精神會通志苟至
焉無不獲也唐書紀玄宗事至於神仙道家頗不詳
悉而此碑所載夢真容事最備故特錄之以見其君
臣吁俞相與言語者止於如此俾覽者得以迹其盛

衰治亂云

六一
題跋

唐明皇授錄碑

御製在崇禎觀天寶七年

諸道石刻錄

華陽洞唐玄宗授上清錄碑

唐張景碩撰

諸道石刻錄

葛仙公碑

梁陶弘景撰陳昇正書調露二年正月

金石錄

唐立吳太極左仙公葛公碑梁陶隱居撰陳昇正書

調露二年正月重建在句容縣

諸道石刻錄

王陰二真君碑

薛鏡一撰正書無姓名景雲二年正月

金石錄

王陰二真君碑

李虎之撰施楚玉正書景雲二年正月

金石錄

唐立梁貞白先生陶隱居碑

梁邵陵王蕭綸撰隸書不著名氏陶隱居名弘景字

通明丹陽秣陵人齊末為宜都王侍讀弃官隱句曲

山中自號華陽隱居終于梁武帝時贈中散大夫諡

曰貞白碑額曰梁貞白先生陶隱居碑碑在茅山

集古

錄目

開元十二年九月三日建在茅山玉晨觀

復齋碑錄

王陰二真君碑

李吉甫撰儲伯陽行書貞元十四年正月

金石錄

景德觀三真人碑

貞元中李吉甫撰碑石瑩潤號曰玉石碑

輿地碑目

張仙師靈廟碑

李泳書元和十五年在仙井監

金石
畧

元和十五年知陵州李正卿撰

輿地
碑目

唐重立許長史舊館壇碑

梁陶隱居撰并書普通二年正月記唐裴行矩重立

諸道石
刻錄

美原田真人碑

大厯六年朝散大夫并州別駕上柱國蕭森政撰并
模晉王右軍書相傳田真人拔宅上昇處也

金石文
字記

無歲月

仙人唐公碑

在興元府

金石略

中嶽劉真人碑

虞洪八分書

墨池編

修三元黃籙壇碑

楊江書在汾上

墨池編

唐碑

道家三

華陽觀主王軌碑

于敬之撰王玄宗正書乾封二年十一月

金石錄

江寧縣令于敬之撰王玄宗書先生名軌字洪範又

字道棲瑯琊臨沂人為道士師王遠知茅山華陽宮其所建也碑以乾封二年十一月立在茅山後有總

章二年弟子李義廉題名

集古錄目

拓本其文但云乾封二年十一月九日卒不著立碑之年按舊唐書高宗調露二年二月戊午賜故玉清觀道士王遠知諡曰昇真先生贈太中大夫此碑所謂王先生名軌字洪範乃遠知之弟子也

金石文
字記

至德觀孟法師碑

岑文本撰褚遂良正書貞觀十六年五月

金石錄

貞觀十六年孟法師碑唐岑文本撰褚遂良書法師

名靜素江夏安陸人也少而好道誓志不嫁隋文帝

居之京師至德宮至唐太宗十二年卒年九十七

六

題

此孟法師碑乃中書侍郎岑文本文諫議大夫褚遂

良書也首脫唐京師至德觀主八字尾脫年月銜名

三十三字碑叙脫百餘字詞脫二十七字當是割裱

後歷世久遠，墀池零落，故耳第的然。唐刻唐榻本波
拂，轉折處無毫髮遺恨。真墨池中至寶也。攷褚公以
貞觀十六年書時，尚刻意信本而微參以分隸法，最
為端雅。饒古意，余嘗於黃熊所見而絕愛之。今歸曹
進士繩武相去里舍不百武，得朝夕寓目，一何幸也。
碑見趙明誠《金石錄》目，又余有舊翻本，證之辨為褚
書，不然世不以為信本者鮮矣。

弇州
續夢

昔聞之陶九成云：趙魏公以書法稱雄一世，嘗見千

丈一卷以為唐人字絕無一點一畫似公法度閱至
卷尾方知為公書公自題云僕廿年來寫千字文以
百數此紙殆數年前所書當時學褚河南孟法師碑
故結字構體規模八分蓋公於古人書無帖不習褚
河南尤其所欽尚者也余觀褚書傳世者甚衆如聖
教序兒寬贊哀冊文陰符經度人經各各臻妙並已
著稱惟孟法師碑以公之言益以見重於世而東坡
嘗評書云褚河南書清遠蕭散微有隸體正謂此帖

云

莫廷
韓集

黎尊師碑

盧子昇字照鄰撰王大義行書儀鳳二年正月

金石錄

右唐黎尊師碑題云盧子昇字照鄰撰按唐史盧照鄰字昇之與此碑不合蓋唐初人多以字為名耳至以子昇為昇之則疑史之誤

金石錄

太平觀主王遠知碑

道士江旻撰法主弟子徐碩隸書法主名遠知字德

廣瑯琊臨沂人有盛名於隋唐間太宗時建太平宮
于茅山以處之碑以貞觀十六年立在茅山

集古
錄目

王法主碑

鳳閣侍郎同鳳閣鸞臺平章事劉祿之撰揚州登仕
郎齊懷壽書法主名遠知居茅山華陽觀追贈金紫

光祿大夫諡曰昇真碑以文明元年立在茅山

集古
錄目

中嶽體玄潘尊師碑

王適撰八分書無姓名聖歷二年三月

金石
錄

今在嵩山老君洞南題云弟子中嶽道士獄馬臚峯

書廣韻獄亦司字

金石文
字記

東明觀道士茹法師碑

長安四年立

京兆金
石錄

中嶽韓先生碑

崔桑木撰司馬絢八分書開元六年十月

金石
錄

玄元觀尹尊師碑

裴子餘撰郭謙光八分書開元八年四月

金石
錄

右唐尹尊師碑郭謙光八分書謙光八分書初不見
稱于唐人獨歐陽公盛稱之以謂不減韓蔡史李四
家余因訪求之久得崔敬嗣及此碑著錄焉

金石錄

永先觀主宗先生碑

孫居安撰周君儀書開元五年九月立在溧陽

復齋碑錄

索法靖師精行清德碑

馬克麾撰范希璧行書開元十四年

金石錄

西嶽大洞張尊師碑

開元十四年王延齡撰李慈書

金石錄

唐王延齡撰李慈書尊師名敬忠字誠華陰盟津東里人為西嶽雲臺宮主碑以開元十四年四月立

集古

錄目

尊師名敬忠其事跡余無所取所錄者以慈書爾慈之書體兼虞褚而道麗可喜然不知為何人以其書當時未必不見稱於世蓋唐人善書者多遂不得獨擅既又無他可稱遂至泯然於後世以余集錄之博

慈所書碑祇得此爾尤為可惜也

集古錄

崇福觀主魏尊師碑

宋遙撰八分書姓名殘缺開元二十九年

金石錄

裴炫書在京兆府

金石錄

張尊師碑

何思邈撰郭懷漸行書天寶六年正月

金石錄

靈臺觀主張欽忠碑郭漸書在華州

金石錄

宗聖觀主尹文操碑

員半千撰在鳳翔

墨池編

員半千之取名謬為應運五百者碑文殊不稱可笑
碑叙文操遊太白觀觀異像以為奇蓋太白名山至
今多見靈異不足奇也至謂老子降于壇間萬衆共
觀則近誕矣書分隸道古不著姓名且經元朝翻刻

失真可惜

石墨
錫華

玄靖李先生碑

柳識撰張從申行書李陽冰篆額大厯七年八月

金石

錄

秘書郎柳識撰大理司直張從申書李陽冰篆額玄

靖先生茅山道士李含光也碑以大歷四年立

集古
錄目

大歷七年玄靜先生碑柳識撰張從申書李陽冰篆

額唐世工書之士多故以書知名者難自非有以過

人者不能也然而張從申以書得名於當時者何也

從申每所書碑李陽冰多為之篆額時人必稱為二

絕其為世所重如此余以集錄古文閱書既多故雖

不能書而稍識字法從申所書棄者多矣而時錄其
一二者以名取之也夫非衆人之所稱任獨見以自
信君子於是慎之故特錄之必待知者

集古
錄

紫陽碑乃張從申書李陽冰題歐文忠不喜從申書
集古錄屢言之殊不知從申乃效子敬書頗有東晉
風尚唐人知書者多故見重於世今人反此歐陽公
初不閑法書則從申之蹟見棄宜矣

東觀
餘論

從申書法出二王而與李北海髣髴昔人評其書獨

步江外此碑在茅山蓋唐行書之得名者余得之道

錄司官袁止安

東里集

玄靖李先生碑

顏真卿撰并正書大歷十二年五月

金石錄

玄靖先生後碑湖州刺史顏真卿撰并書先生名含

光廣陵江都人本姓弘避孝敬皇帝諱改為李氏玄

宗師事加號玄靖先生詔居茅山碑以大歷十二年

五月立

集古錄目

右唐玄靖李先生碑顏魯公撰并正書碑稱隱居先生以三洞真法傳升玄先生升玄付體玄先生體玄付正一先生正一付先生自先生距隱居凡五葉矣今考之隱居先生者梁陶弘景升玄為王遠知體玄為潘師正正一為司馬子微三人唐書有傳惟玄靖無之予嘗遊茅山至玉晨觀其前有雷平池池南為伏龍岡玄靖葬其上碑今在觀中四周皆刻文字道士以亭覆之

金甌
琳瑯

魯公好仙術不特書麻姑壇已也按李含光者陶隱
居裔凡五世其事絕無可紀獨人謂其隸法勝乃父
遂斷不作隸差近厚耳魯公結體與家廟同道勁鬱
淳故是誠懸鼻祖然視虞永興褚河南閭閻氣象不
無小乏

弇州山人藁

右結體與家廟碑一同後有小跋云紹興丁巳五月

十四日大風折顏碑雲溪沈作舟扶起之

蒼潤軒碑跋

茅山景昭法師韋公碑

竇泉書在江陵府

金石
畧

泉字靈長詞藻雄贍草隸精深晚年著述書賦七千餘言蓋深於字學者書此碑在唐人中別有一種風韻骨力有瘞鶴之遺意碑在貞元三年為韋公師立歷叙世系及師授甚詳又言法師至行稽乎玄化通識合於靈造與其有也萬物不得而不有與其無也萬物不得而不無得喪以春秋為死生盈虛以天地為旦暮其推尊可謂至矣而後又言身纏世故迹混

俗塵發忠孝以飭躬演信義而旌行蓋隨時而不器
豈常道之可師若然則其人似亦可取此所以昔人
以道門華陽方之儒門洙泗也與友人陳元晉遊三
茅搨此見貽余手粘為冊因題之留軒中云嘉靖戊
午九月廿二日雨中對菊記

蒼潤軒
碑跋

唐華陽三洞景昭大法師碑陸長源撰竇泉書并篆

額貞元三年正月上元造在茅山玉晨觀

復齋
碑錄

內供奉道士吳筠碑

貞元十年立在餘杭西十九里天柱觀內

訪碑錄

道士吳筠字貞節通經術美文辭居南陽倚帝山大

厯十三年卒門人私諡為宗玄先生

升元劉先生碑

馮宿撰柳公權正書大和七年四月

金石錄

刑部侍郎馮宿撰右司郎中柳公權書翰林待詔唐

玄度篆額先生名從政河南維氏人居東都玄真宮

敬宗師事加檢校光祿大夫及先生之號碑以大和

七年四月立一在東都一在長安

集古錄目

茅山孫尊師碑

李德裕文會昌中立在玉晨觀

輿地碑目

玄元觀三洞韓尊師道德碑

開成四年立

金石略

靜福山廖先生碑

先生名冲字清虛梁中大同年居此山唐連州刺史

蔣珍立此碑

復齋碑錄

周先生住山碑

在洞庭山令狐楚撰

輿地
碑目

無年月及書跋

桃源觀三洞閻宗君碑

董徒書

墨池
編

中嶽興慶觀主郭元宗碑

徐浩書西京

金石
略

楊雲昇尊師碑

杜光庭文雲安軍

金石
略

魏法師碑

在鎮江府仁靜觀胡楚賓文

輿地
碑目

睿宗賜白雲先生書

唐賜白雲先生勅三玄宗勅并送別詩各一陽臺宮

畫壁奏狀并答勅乾元元年禁山廟採樵勅三大中

八年王屋主簿韓抗書以刻石

集古錄目

今在王屋山

陽臺觀

金石文
字記

賜道士楊太希勅

景雲二年六月在岱嶽觀東碑南面

金石文
字記

柳尊師墓誌

翰林學士諫議大夫柳公權撰并書尊師名處幽河

東虞鄉人公權弟也碑以開成二年立在華原

集古錄目

開元觀夏尊師墓誌

何得一述正書無姓名會昌元年二月十九日卜宮

于陶朱峯在諸暨

復齋碑錄

唐碑

道家四

褚遂良書陰符經

陰符經說者甚衆以文義不貫頗費牽合蓋嘗疑也

唐李筌傳驪山老母之舍曰此符三百餘言百言演

道百言演法百言演術上有神仙抱一之道中有富
國安民之法下有強兵戰勝之術分為三章又有六
注謂太公范蠡鬼谷張良諸葛亮及筌也繫以正義
不言誰作後序中謂出於驪山老母亦間有無主名
者略記太公之言八張良之言九鬼谷六諸葛五范
蠡才一見而筌及正義尤詳又與世所版行注本不
同後有斷章三贊又士希嚴不知何許人作贊三道
十九首可謂備矣或總題其後曰觀注者粗得一二

若贊者略無髣髴信其奧妙不可以智知而言說姑
存之耳誠哉是也比歲於都下三茅寧壽觀見褚河
南真蹟注本始知上古真仙谷出語一二以至三四
自愚人以天地文理聖而後不言為誰其間有若相
應答亦旨意全不聯屬者將由羣仙之集而為之邪
抑高真會粹而成此經邪初有道流攜以求售索價
不貲未幾羽化於觀中遂為三茅寶藏摹得其本以
歸茲因徐粹中醇一為慈谿至道宮建藏手寫以遺

之凡見河南所書三本其一草書貞觀六年奉勅書五十卷其一亦小楷永徽五年奉旨寫一百廿卷及此蓋書百九十本矣二者皆見石刻惟此真蹟尤為合作字豆小而楷法精妙河南卒於顯慶三年年六十有三永徽所書則五十有九矣豈惟筆力不可跂及亦安得此目力耶然三本詳略亦自不同草書本又冠以黃帝陰符經要當以此本為善仍命長子淳細書臨摹於後尚存舊本之萬一云

度人經變像

褚遂良書未詳

金石略

予家舊藏唐閻立本畫靈寶度人經變相褚遂良題
字惜其歲久湮滅將失永傳獨字畫僅可模刻以貽
好事云元祐戊辰仲冬韓城苑正思記

本碑
跋

靈寶經變字

余家舊藏褚遂良靈寶經變字一卷紙墨淳古字畫
閭而俱完精神如新以之較衡山先生停雲初刻多

廿有八字豈當日所搨互有明晦遂因之為存亡耶
可以信古刻之當多收也然於此益見衡山先生之
苦心也以二刻並觀如出一石若非多少不同無緣
知此為宋搨矣先生摹臨之妙蓋千古之絕技進乎
道矣恐後之覽者亦疑停雲為文家一筆書幸有此
證故特表而出之以信百世或可為停雲重否

墨林
快事

道藏經序

高宗則天撰詳見御製

道德經并註

明皇撰并書詳見御製

小字道德經

明州

唐明皇注八分書不著名氏開元二十七年立

集古錄目

道德經

弘農太守趙冬曦書

墨池編

玄元皇帝道德經注

李華撰張敬仙書無年月

金石錄

道德經幢

唐明皇隸書蘇州

金石略

度人經

八分書無姓名天寶七年七月

金石錄

西王母授黃帝祕訣

張從申書大歷四年冬

復齋碑錄

太清宮道藏目錄碑

秦守正書趙盈篆額大和二年立

京兆金石錄

陰符經序

刑部尚書鄭澣撰序翰林學士柳公權書內供奉道

士孫文杲刻以開成二年七月立在西京苑雍家經

已殘闕所存者數十字

集古
錄目

右陰符經序鄭澣撰柳公權書唐世碑碣顏柳二家
書最多而筆法往往不同雖其意趣或出於臨時而
模勒鐫刻亦有工拙公權書高重碑余特愛模者不
失其真而鋒銚皆在至陰符經序則蔡君謨以為柳
書之最精者云善藏筆鋒與余之說正相反然君謨
書擅當世其論必精故為誌之治平元年二月六日

書

集古
錄

柳誠懸書至此極矣然人之好尚亦難齊矣李西臺
愛柳尊師志歐陽公愛高重碑惟君謨獨喜此序謂
善藏筆鋒自是書家所共恐不能盡其妙處觀其平
時論曰尖如錐捺如鑿不得出只得却文宗問之曰
凡縛筆頭極緊一毛出即不堪用然藏鋒在得筆意

非極工於筆亦不能也宜公權戒此

廣川
書跋

小字清淨經

右唐李公權小字清淨經予得舊搨本於四明豐解
元坊豐得之鄉人徐蘭蘭好作隸字不師漢人而師
宋廬陵朱協極蘇學嘗有協極所書敬齋箴石刻字
畫無法俗惡可厭後之人乃有好之如徐氏者亦其
所遭然也因識此漫及之

金薤
琳琅

余曾見柳誠懸小楷度人經遒勁有致蔡君謨茶錄
頗倣之世未有傳者此清淨經似永興破邪論海上

潘氏所藏宋帖也其昌

戲鴻堂
法帖

令狐楚題郭尊師咒

盧傳禮撰并書

墨池編

陰符經

唐玄度篆書未詳

金石略

唐重刻明皇大化觀訣碑

楊思聰書碑末云戊午歲人日

昭宗乾寧五年

本觀住持楊

思聰記

唐明皇道訣碑

六藝之一錄卷八十